

張文定公四友亭集

滿地江山無限情

西山道院淨炎威暫倚清薰俯翠微一片飛帆千樹裏
無人不羨避塵歸

梓國歡迎書錦新捲簾花影上吟身不須魚鴈傳消息
知領吳淞處處春

劉生爲其師周元昌乞輓詩

歲闌歧路幾牽衣此日秋光冷敝帏書帶草深人不見
四天風雨暗文溪

雪中有懷孟有涯中丞

時孟公新納詩姬

雞山雪裏不勝寒只尺都臺會面難坐想玉人雙侍酒

儘將風景傲袁安

又答

竹爐烹雪似山家
受領乾坤萬玉花
寄語清閑陶學士
風情莫向党姬誇

送同年黃文之乃兄

壬季當年共碧艤
吹簫伐鼓下湘江
鳳凰臺下逢君處
指點秋空白鴈羣

月梅

千林凋盡不周風
遠水長天相映空
萬玉江南輝片月
人間都是廣寒宮

雪梅

良工貌取藐姑仙移向茅堂三伏天
滲骨寒光禁不得直思狂飲酒如泉

風梅

倒盡郢筍爛醉歸無端物色正輝輝
梅花不解悲春老故挾東風作態飛

雨梅

羅浮夢斷興無從粲粲明妃偶此逢
猶似紅塵嫌未洗更教零雨爲修容

題畫

翠碧層層入上台石橋深樹幾徘徊群仙散去不知處
惟見飛泉天外來

月川

八月風高淨野烟誰將匹練熨瑶天南華一卷詩千首
思共素宏夜榜船

明湖卷

爲余子
奇盡士

大海西邊余子廬鏡光浮動石窓虛江心萬里誅毫盡
獨榜沙棠玩鳥魚

贈東沙叔筆

明月宮中白兔毫一揮光采照林臯如今妙入張芝手

擬看軒窓動海濤

謝東沙叔紙次韻

薛濤去後豈無箋
吳會傳名亦有年
分得左軍三百幅
玉華猶自帶雲烟

北窓高卧圖二首

葛巾三伏頭慵戴
濁酒百年情獨真
一榻薰風天地裏
不知門外有炎塵

叅餘蓮社枕孤琴
免作人間苦熱吟
不是翁家無六月
日移松影北窓陰

題畫葡萄贈王郡判歸田一首

幽幽庭院紫烟飛，千尺高棚片月輝。
雲散碧空珠額濕，無人不道雨龍歸。

昨夜葡萄酒釀成，冰壺秋映露華清。
高懷不換涼州牧，携取滄江破俗情。

題畫

四首

翠羽飛飛此暫休，金丸公子莫貪求。
枝頭儘漏春消息，歸向瑤京十二樓。

片月高懸萬壑涼，拒霜花覆縞禽雙。
神仙此夜莫吹笛，殘葉不禁秋滿江。

曾傍天孫錦綉機，來呈支采鳳凰池。
碧琅玕下和鳴日，

未解人間有別離

細草蒼崖映碧洲
野棠花發春悠悠
山禽立向烟霄遠
欲語東風不自由

槐思堂

爲紀善林
翁賦四首

海上羣巒孤草亭
高槐六月覆簷青
捲簾長日薰風細
空抱遺編憶過庭

昔日栽槐枯復榮
孝心真自格幽冥
魏公事業今希濶
看取生兒有寧馨

楚山吳水宦情淹
歸老烏紗映雪髯
寂寞草亭人不到
綠槐陰裏月纖纖

金沙洲上石麒麟授簡驚看翰墨新羨爾庭槐由手植
垂陰百丈坐思親

梅菴

草菴數尺風淒淒嚴寒誅雲留碧溪溪梅放花玉不染
海鶴一聲明月西

渭厓先生以和乃弟尹先詩見示口占次韻
人心天命本融貫就裏一私都不容安得萬方皆會極
眼中無異亦無同

鳶魚飛躍各有性無量乾坤誰不容萬葉千枝惟一本
憑君識取異中同

達順古來由體信工夫都不在修容請看世路平如許
了得同時便不同

疊前韻答誠齋老先生

二首

齋居默默感前事祖宗功德天爲容肯堂肯構在今日
臣子要知家國同

四月雨過日皎皎千峯萬壑添姿容聞說西山更佳勝
欲往游之誰與同

賜翁疊韻

齊紈初裁玉雪淨清逼塵埃無地容
九重新看明月下萬國正喜和風同

瓊州鐘筠溪以畫竹索題

海外瓊崖別是天
曾無霜雪有嵐烟
菊花自稟凌寒色
傳向京華更灑然

送陳節推應魁之南寧

三首

授簡橋門記昔年
百千人裏見才賢
如今萬里邕州路
直領清風下綺川

曾辭金馬下荆溪
管道南頭望九疑
君到蒼梧秋正好
滿船明月渡湘灘

綠袍烏帽鬢初新
瘴雨蠻烟幾問津
勲業古來皆力致
試摩銅柱想前人

送楊巡檢之安河

雲暗扶桑凍欲深
都門日日杞人心
溪山見說閩中好
送汝南行興可禁

袁判簿壽圖二首

昔年種得紫琅玕
洒洒清風碧水寒
春日鳳雛棲宿滿
不妨留取老來看

滄海東連董子城
曉天遲日正春明
青山不老人長在
爲聽烟霄鶴唳聲

南園

鍾石藤交處閣炎
威綠樹陰中隱翠微
野鶴未歸人寂寞

薰風翻亂菱荷衣

題鴈圖

飛鳴宿食四首

惜別音書苦不早
江北江南思何杳
征鴻此日何處來
渚蓮落盡秋光老

風物淒淒晚色幽
蘆花如雪滿汀洲
雲天莫更多唼嚙
昨夜征人正遠愁

瀚海陰山風氣肅
南飛直到衡山麓
來往悠悠霄漢身
平沙豈是長栖宿

帝城游倦暫東歸
堪歎緇塵滿素衣
鴻鴈有翰隨節序
應知不爲稻粱肥

建舉郎事 三首

玉堂春晝昔徘徊佳句全將苦思裁今日推敲渾不費
青山自貢好詩來

林邊清蔭澗邊聲愛劇深山只管行行到夕陽青未了
淡烟濃樹遠含情

亂峯堆裏禪居隱落日松風興無盡山僧乍喜遠客來
手把長鑱斲新筍

桂 二首

上天之載元無臭何物西皇却有香識得無中含有意
十分奇恠在尋常

浮雲歸盡舊山蒼
甬水東連碧海長
五夜清秋矜月色
一庭涼露鬱天香

鳴鳩吟

陰雲漠漠曉山幽
滿地薰風動麥秋
世上但言鳩喚雨
不知元是雨催鳩

出建壘回首

伏龍橋上倚天峯
古寺斜陽興未慵
况值一番春雨後
留人山色十分濃

壽武進王翁

堂上含歡接令兒
綺筵晴晝列新詩
群仙向晚不歸去

清酒百壺花滿枝

畫鵲

經年牛女不成歡
好事人家處處難
想是靈橋通昨夜
特來清世報平安

白頭

海上鯤鵬大且修
培風直上九天遊
忽然下顧榆枋地
不會高飛也白頭

睡鵲

老竹叢中睡鵲鳴
不知能有夢魂無
人已苦天搖溢
汝到醒時莫浪呼

送黃守和之涿鹿二首

楚楚冠衣過玉堂舊家人物自殊常
他鄉有酒莫辭醉隨見西風斷鴈行

鴈行中斷未須悲王季才名天下知
君去京師纔百里肯教聲問到來遲

富池廟

富池廟傍青山曲映江千樹森森綠
野鳥無數夾檣飛慣向舟人攫梁肉

新江十咏

梁山伯廟

廟前荒草夕陽多廟裏殘碑字不磨一點純誠千載話
乾坤留取激顏波

石將軍祠

石塘孤嶽碧崔巍來往來人日幾回猶有英靈呵百鬼
清風時散紙錢灰

夾塘觀漲

潮來潮去年年事惟有詩人眼自青愛見清秋三五夜
夾塘水滿月晶晶

新渡橫舟

江畔羣山暗水雲江中風浪百愁新臨流莫道舟兒小

解濟東西南北人

五港秋月

森疎楊柳列平沙
露冷橫塘淡淡花
玉笛一聲塵不動
明月照橫斜

百丈春波

山家春暮酒如油
每日堯花帶雨流
倘遇山中避秦客
試從新水泛漁舟

高衙義塚

文君昔日賦溝水
只自生前已不平
爭似新江一片月
影流江底却無情

襖襖龍潭

何處 潭競綵舟烟花飛動海天秋年來禾黍豐穰甚
不醉新醕未肯休

寶慶晨鍾

夜來夢落吳松水寤聽德風窓外起青氈一幅小堂前
清枕數聲殘月裏

新菴舊鼓

新菴道人舊擊鼓潛龍起聽黃鶴舞我欲拏舟訪故人
白雲遶遍新江潯

南峯二首

日日南山霧雨深，欲看騰豹久沉沉。
若花自解流光彩，揮劍誰當掃暮陰。

南峯遙望碧淋漓，竹樹陰深水滿池。
正好從龍回中土，蒼生多少渴雲霓。

送毛景學

二首

瀟灑鄞江美少年，珊瑚鈎映紫霞天。
碧山雲樹家千里，一夜春風促去舡。

綠槐堂下酒盈卮，離思悠悠醉後時。
豫想還家無別事，薰風六月稱臨池。

賀與疇侍御父母雙輓

二首

鳳卷山前鳳自單青鸞何處恨漫漫燕臺寂寞無人地
千里遊魂夜月寒
恍省當年事可忘栢臺今日見賢郎花驄踏遍天南北
風木蕭騷倍慘傷

元日

自昔桑蓬射四方年來蹤跡太奔忙即思三十三年裏
幾度新正在膝傍

和周約菴詠新荷

四首

盆池夜半雨浙瀝正值詩人夢醒時清興滿懷消未得
起邀殘月弄參差

誰家庭院鬱清香風露九霄吹晚涼
忽憶夜舒荷畔事雲光開曙到斜陽

朝來卷荷夜忽展恰似鈎弋舒拳時
露珠團團含璧月暇中得意君其差

長夏炎威洗不徹盆池自集無邊涼
藕簪捧出數圍碧便與天地爭陰陽

夏如山少叅樂閒園十二景

仁高峯

瀟灑江南李正臣九華湖裏碧嶙峋
由來慣作丘山夢纔上高峯便絕塵

仙遊洞

洞裏神仙無四隣一尊清酒四時春
白雲封處苑花亂
似恐漁翁欲問津

漫興寺

憶昔高蹤元漫郎獨於塵表恣徜徉
心隨人意真堪笑
坐撫幽亭興自長
元次山嘗云今之仕者目隨人視耳
隨人聽口隨人言心隨人意

天香屏

上天之載无無臭何物幽皇却有香
識得靜中含動處
十分奇性在尋常

獨甜臺

樂閒
日雲飛上有孤臺倚翠微
莫謾凌高誇獨憩
中天明月對依依

歲寒逕

最愛君家耐久交
縱橫蒼翠但脩脩
貞心勁節冰霜地
桃李溪邊正寂寥

惠脉清流

閒倚虛亭俯玉泉
意中流水澗中絃
山靈自慶逢知己
日遣清音到耳邊

澗潭隱豹

采采方池白玉蓮
水光雲影共悠然
小橋橫度青山曲

別有靈岩問洞天

爛柯枰

入山偏早出山遲曾看山中一局碁忘却輸贏閒束手
轉嫌仙子費推移

觀魚處

堪嘆人生與道違昏迷終日履危機誰知得意清泉裏
自是游鱗識所依

虛白書舍

秋潭收潦鑑空澄江郭無雲壁月生素屋翠屏埃埽淨
坐來風物倍光明

迥碧山房

斲鑿天工巧不如，奇峯移入暨陽墟。
想應鍊石成功後，還坐山房對碧虛。

博文堂

爲光澤王
題三首

瀛海東南竟遠天，文瀾奇處合江川。
試攀若木臨無際，盡洗曹騰萬頃烟。

烟烟双眸淨不埃，百年牆面可勝哀。
從頭閱徧書千種，獨自凌空見九垓。

虛堂開向楚江湄，華扁傳來自玉墀。
文翰百棚詩七步，士林今復見陳思。

金口書懷

十首

戊寅正月廿七日

森疎楊柳暗沙灘寂寞春宵肝亦難
心事十年燈一盞
扁舟江上雨聲寒

竹村先生美且顯春風劍佩翩然來
亶亶清談細詩律
高歌一過親顏開

竹村先生美且仁望中桑梓時相親
楚江風月未題品
黃鶴仙人思見君

竹村先生美且鬢老親爲爾羞春盤
春盤滋味應澹泊
武昌之魚聊可食

河洛遊畋過十旬楚天雲雨暗芳春
孤臣欲寫螳螂思

吟未成篇淚滿巾

湖天寥廓興如何自古浮雲蔽日多最苦歸來彭澤令
葛巾猶復詠荆軻

細數從前幾令名功勲端不負平生漢家雄傑塵埃裏
應是麒麟閣未成

宦情羈思水雲鄉翹首天閣路渺茫山鳥自鳴花自發
滿缸風雨度瀟湘

童冠六七舞雩風堯舜功名在此中克己未能思濟物
儘教千載笑荆公

默默孤舟有所思東風擷遍楚江籬塵埃物色真難事

嗟苦人生未遇時

孝思

二首爲遂寧趙晉
菴舉人斐之父賦

先生賢孝是吾師曾向巴渝數問之
今夜秣陵人不見一尊江月對孤兒

閒看世事有銷除禹績堯封摠是虛
獨有性直常不朽萬年人識普翁廬

十月十九日

四首

小春佳氣滿高堂遊子瞻雲路脉長
預數歸期逢鴈入綵衣還許奉霞觴

從將黃卷伴青襟每向黎明坐夜深
今是萱闈初度日

有誰能識望雲心

辛勤陶母少歡懷但願年來好事諧
欲酌醴泉承笑色待看春雨潤蘭堦

梧桐山對鳳凰山遊子衣裳鳳羽斑
分得王喬丹竈藥絨書先遣鳳飛還

過巴陵遇風雪東蘆泉劉用熙

巴陵重係木蘭缸欲訪城南辟穀仙
鳳管不知何處去滿天風雪暗蘆泉

醴陵望萍鄉感叔父

鳳凰山下醴泉清寒月依依傍楚城
東望萍鄉纔只尺

不知更鼓尚分明

又感世第

記得錢塘話
來聞行舟相顧淚
沈瀾今來望汝經遊地
落木蕭蕭楚水寒

醴陵道中東望茶陵悼西涯先生 二首

枯木蕭疎度晚鴻
淶江寒颭海天風
碩人歸去不知處
七十二峯烟雨

中
日落天寒楚水湄
亂山相對使人悲
如今海內無知己
當代文章定屬誰

邵陽寶壑

懸汝荒山質自奇靈音先遣四方知
明廷我亦夔龍手他日須看綵鳳儀

孔子山 二首

顏回港上柳搖金孔子山頭草色深
雨裏獨來尋舊迹臨風一想轍環心

回車埠上動遐思萬古江山此去時
慕道子西空楚業天教留取項王師

麻城道中

薄雲疎雨淡麻城雨過分明出翠屏
花木萬山爭獻巧風烟三月總含情

曉發崇陽

苑溪溪上雨霏霏
綠樹藍袍映隔堤
道誼古來人所契
未應流水限東西

官塘驛

二首

莫以驅馳笑利名
策名元只爲蒼生
長途僕馬郵亭飯
慙愧當年伐輻情

岩巖山路困征鞭
野館梨床卧即鼾
庭樹無聲江月白
夢魂依舊玉堂寒

送劉都閫之滇南

二首

苴蘭城外碧雞峯
金馬迢迢秀幾重
列幕塵清無一事

橫戈閒對綠芙蓉

柳陽立馬瘴烟收
鄂渚清尊別思悠
莫計滇南天萬里
伏波勳業照千秋

送陶鴻臚還京

二首

仙居遙傍玉堂清
偶作滇南萬里行
江漢春風回使節
萊衣重慰倚門情

昔年踪跡未星沙
親聽絲綸下翠華
今日湖山天萬里
嚙情立望五雲槎

荆門道中見插秧

荆南五月種春田
歌鼓喧喧遍楚天
二十年來誦陶雅

好於何地薰絃

送汪守岩之京 六首

碧樹漳河動早秋
驅馳千里入神州
五雲深處開金鏡
萬玉聲中拜冕旒

赫赫先朝舊學臣
錦棚牙軸遺來人
緋袍此日回丹闕
白筆當年侍紫宸

幾年湘水望雲情
九日彭山憶弟兄
歸去倚門看色喜
春風棠棣正敷榮

伯氏吹埴仲氏篴
登堂吾亦薦新詩
霓裳細轉瑤池月
萊綵輝聯玉樹枝

遼左功勳高士論湖南風節最官評簡書飛處豺狼息
霜節臨餘犴狴清

開闕勾吳占地靈文章京苑舊家聲漢江樓館荆山麓
目送鵬飛九萬程

送李嵩渚之官廣西

二首

君去豪遊誰可同明山烟樹鑑湖風湘江愁客如
萬里蒼梧夕照中

舜水仙舟此暫同百壺清酒片帆風黃童幾處歌明德
都在甘棠蔽芾中

長至日寶珠茶大開

三首此花開於三月
今至日開故紀之

張文定公四友亭集卷之十一

七言律體

八十六首

擬御試庶吉士題讀五倫書有述

乙未四月十六日

天章開處人文燁爲想乾坤再闢餘萬國共瞻皇作
極千秋重覩洛呈書星回曙色明金薤風引卿雲覆石
渠正喜神孫光紹述贊襄無術欲何如

文華殿奉

命校閱庶吉士試卷有感

是日上親灑宸翰賜試題方今時務何爲大論讀五倫書

有述詩

珎梧交影鳳凰池

天上奎章下玉墀時務要觀今倭傑遺書思復古倫彞
青宮霽色看飛翰東觀春陰憶賸詩誤沐恩私三十載
白頭空負

聖明時

弘治乙丑選庶吉士內閣試春陰詩

恭和

聖製謁

諸陵紀述韻

輦路清塵幾執觴萬年彞典此敷張游觀汾水勝唐帝
賡詠卷阿集邵康已見諸陵升瑞氣况逢晴日麗東
洋鑾回詔草傳元老海宇春風樂未疆

送太子太保大司馬鳳山秦公之南京

次周約菴少司

馬
論

精輝南紀耀南躔文武勲威此並專腰玉共看新寵
渥鬢霜爭覩舊名賢襟期老向畱都適風月秋於澤國
偏駐筇澄江一盃酒碧山無恙擁真仙

春日遊南城二首

翔鳳樓開雲水濱偶乘公暇問青春風煙畫鎖千巖靜
宮殿晴臨萬木新鶴背虹霓窺寶鏡龍盤奎壁耀貞珉
才華自愧張平子空復神都探領頻

逶迤籞宿遶層闌松檟陰陰紫殿寒竹引井泉通翠釜
鳥銜林葢下瑤壇五雲挾日河山展六御行春雨露

寬翹首幽風亭咫尺詠歌天保及斯干

丙申清明陪祀

西陵先期發昌平口占

山郭鳴鍾靜曉風依依楊柳日初融千峰秀出青天外
獨樹華明翠栢中土脈自迎春氣發溪聲應爲雪消雄
許身報國頭今白悵望諸陵摩碧空

陪祀 茂陵

夜半松林有磬聲親臣初上薦采明倚天樓觀輝金井
極北山河壯玉京百代勳華宗

聖德萬年燹鼎勒鴻名廷僚拜罷瞻仙蹕巖月沉輝

斗柄橫

陪祀 泰陵

憶抱烏號三十年 園陵今夕倍淒然
庭華有淚山經雨 林木無聲月在天
燈燭上搖銀漢影 衣冠齊染玉爐煙
龍輿彷彿祥雲裏 春滿乾坤

聖澤綿

祀陵罷還宿昌平鷄鳴起坐速行

邨店鷄鳴坐擁衾 郊行三日望雲心
貧依祿養鄉山 遠老覺慈恩漸海深
宿雪溪流初漾碧 春風堤柳正搖金
肩輿步速登堂早 華髮斑衣舞更任

還自天壽山途中手循白木帶鉤感而誄之
三十年來此帶鉤野人供具物無尤清風擬古堪殷輅
散質於今稱卜表欲換瓊華非德比終憐樸素與心謀
山川海宇經行遍對爾還驚雪滿頭

隆慶堂

爲吳子範盛

吳中大姓首東吳堂搆襟江廈帶湖世業庭槐高結幄
人文龍馬巧呈圖蜀川賡誄思薇省白下鳴聲記碧梧
卧起海濱吾白首清時爲汝奏訐謨

輓光祿卿劉毅齋

鳳臺鷄閣幾歡娛今日江陰事可吁雨蘇印殘安
屐

露華啼老步兵厨，身依黃鵠雲中翼。
卷蒲驪龍領下珠，風月湖山誰更主。
舊游多少泣寒區。

送全教諭之常熟

青醜隨處集才英，奎壁南沙耀此行。
九月寒砧催木葉，五湖煙艇落鴻聲。
漫將白日銷塵思，未委蒼天逐世情。
高爵大勲知不負，玉堂仙子正馳名。

和介溪宗伯居守京城紀述之

霽日龍輿迎緒風，青溪碧山爭映空。
虎旅乍歸儒服手，天書坐鎮禁林中。
石渠編簡輝

皇運芸閣經綸屬

帝衷文武昔人推
吉甫即今台鼎上
全功

子夜傳宣 詔旨重

帝城居守屬南宮
藝尊河洛真憐鄧文似相如舊識雄
天漢流聲雙闕下
日華浮翠五雲中
山陵扈蹕回
瞻地玉堞金鋪駿
爾功

山陵與陽峯宗伯鄰居枉詩次韻

借得宮監住宅深
繞垣松栢晝陰森
鄰居幸倚新祠部
賡詠頻驚老翰林
華送雨香來曲徑
月移峯影入虛襟
共追僊蹕論前事
林壑風清猿夜吟

中元日介溪宗伯招於來王亭賞蓮次後渠官

詹韻

是年春予署禮部手植蓮於亭前之盆也

南宮栽藕暮春邊
此日來看十丈蓮
目睫如分上池水
扁鵲飲上池水
觀見垣一方人
衣襟原帶若溪烟
論姿合貯黃金屋
倚鏡真疑碧玉仙
最是主翁歡正洽
醉歸猶恨月明前

又疊前韻酬介溪

宗伯承恩下日邊
更邀南省翫芳蓮
光分碧江涵新月
香逐清薰透晚烟
落紙幾驚詩社聖
開樽真擬酒中仙
臨風戲折荷筒看
摇曳絲綸在眼前

送黃上舍標回上海

儼山之甥

潞河初日淨炎氛
辛苦歸航淚雨紛
家世源流還似舅

眼中英邁總輸君一尊黃浦沿新月萬竹清渠映夕曛
獻歲束書須迅發早秋京國竚梯雲

龔雲岡官諭見訪偶盆池荷開不問主人獨觀
而去他日枉詩次韻

盆池六月花可憐天然秋水絕妖妍銀河斜流露盤側
玉井倒浸雌蜺顛主人踈嬾清賞缺客子吟哦佳興偏
湘妃瓊佩粲如許何必區區千葉蓮

七月廿二日翰林東署邀儼山後渠二宮詹賞

蓮疊禮部來王亭韻三首

方塘幽勝玉河邊亭午香霏石鏡蓮乍喜客來收澍雨

却教花妬領風烟容輝淡蕩湘江珮風采逍遙鶴上仙
斜日未須輕別去會看清影綠尊前

水花搖影掖垣邊白髮相看詫炬蓮太液池涵金掌露
若耶溪遠北扉烟人間偶識新粧面天上重回舊謫仙
四十年來滯會客百壺須盡晚香前

鄙人坐長越溪邊每日溪頭看采蓮瓊茁手栽春署雨
錦葩臨賞玉堂烟華峰影動如迎客蓬島塵銷只住仙
別去有詩重訂約似公豪興更誰前

予以仲春署禮部
事裁荷於贊治堂

盆池

八月十八日桂洲招飲席間疊來玉亭賞蓮詩

韻贈崔後渠之南京

重承

恩露鳳池邊金炬光分粲粲蓮湖上開尊涵日月座中
揮翰落雲烟大江東下通三島鍾阜西來駐列仙廿載
相逢遽相別不禁飛興塞鴻前

來王亭續集賞蓮

次介溪宗伯韻二首

南省招邀集藕池水鄉浮動錦雲枝重逢勝侶追歡地
忽憶去年臨賞時劍倚洛城流寶氣珮搖相浦薦瓊卮
洞簫吹罷江南曲亭館薰風午漏遲

珠壓翠盤明漾露香霏幽閣轉涼颼緝衣未擬南洲雪

把盞疑臨太液池，伏雨乍收神筆飛。
芳塵不動意俱遲，舊遊仙子顏如玉。
洛水鍾山幾夢思。

送吳榕東工侍歸莆陽

朔風塞上清沙磧，卿月燕臺滿曙輝。
萬里河山看鵲舉，九霄雲日際龍飛。

碧壺泉注三蓬島，石山連幾翠微。
就裏神仙萃淵藪，一尊瀟洒共蠟扉。

孫季泉太史奉母太夫人南歸詩以贈之

棣花樓閣五雲城，王母親將下玉京。

恩露遠分瀛海潤，文星先注越山明。
河經宿雨仙舟駛，

簾捲春風舞袖輕我亦有親歸未得前門南望不勝情

陸都水母封太安人陳氏六十壽詩

吳會初傳賢母詞碧山梅雨動涼颼一週花甲賸光寵
三世德門徵孝慈籠錦斑衣人似玉吹香瑤席酒如池
白雲不爲長江限移入京華慰所思

送陳沂州名簪

十年交誼憶成均見爾重嗟久困身終有文章驚太宰
遂看名譽動朝紳琴徽欲試金螺月卮酒聊娛玉署春
五馬清薰童冠侶絕憐沂水詠歸人

送魏淺齋撫河南

皇心日夜軫民窮中土綏懷盡屬公雲裏矛袍金掌露
雨餘飛蓋麥秋風芳流白下追思獨歲歉河陽待哺同
鄉國老成名不忝早聽籌畫報宸聰

還金紀

桂林楊翁事也其孫
襲守琇請詩誄之

平生自信心如水不染寰中半點塵人事做來無暗地
念頭生處總陽春慶流孫子知詒穀壽滿期願見葆真
桂嶺只今傳盛美汗青千載譽長新

李本立新居成索賵

新構鄞城似畫圖好峯三十競紛敷文瀾漫湧蓬萊水
筆勢時凌日月湖醺酒軒轅春草碧捲簾樓閣暮雲孤

試衣北斗瞻

宸極驄馬英聲滿上都

壽費鵝湖閣老

弱冠閣試騷賦鵝湖嘗見鑒賞

黑頭端揆蚤完名春日鄉山袞繡明霄漢再瞻黃鵠舉
滄江一共白鷗盟天涯壽酒勞吟望年少風騷誤目成
最喜謝庭紛玉樹秣陵時得話平生

追送林貳守

林名繼賢公庶勤慎到郡攝篆數月以考察去官郡人惜之

羸馬蕭蕭下海堞膏霖千里注如泉肥親不寤桑間雉
許伯終閒陌外田人去石樓空夜月夢回霞嶼獨寒烟
口碑載路詩成帙此是如今已定天

壽東峰翁八十

綠尊青菊未衰身已歷昇平八十春
天上三台燭賓館
門前五柳隔囂塵
田何弟子皆英傑
魏野詩章滿縉紳
况是東峰瑤草足
露華頻逐歲華新

寄壽陳高吾少司馬

頻瞻嶽麓想容輝
京闕欣逢令子來
七十峰中雲欲起
九重天上日初回
江湖一繫蒼生望
廊廟全需合抱材
最喜斑衣籠畫錦
長歌白鶴薦霞杯

聚奎堂燕坐次未齊宮保韻

二首

清朝文運喜天開
偕計齊看萬國來
側席久應勞

王宇輩聲先已動金臺巧當三試皆晴日定擬層霄得
俊才幾夜月沉眠未得燭花騰彩上中台

兼旬燈火棘園深此日乘閒試越吟開卷每驚雲錦麗
虛懷長對鬼神臨庭含宿雨春衣薄門掩東風午漏沉
明發卷阿當扈蹕鳳梧多少愜

天心

和介溪宗伯遊西山諸寺之作二首

山寺夕陽飛蓋下來溪松柏梵音來長廊振屐星辰動
彩閣揮毫烟霧開行傍月厓寒溜滴坐聽霜葉暮砧催
仙翁老覺精神健遊覽都忘石磴嵬

石峰層翠倚蒼天上客重臨更洗然祇樹盡含仙掌露
曇花齊帶玉樓烟寒窓聽偈燈頻剪幽閣談詩席屢前
一顧邊關鈴柝靜卿雲祥靄自堯年

和介溪宗伯六旬初度之作因以爲壽二首

文章事業無華國宇內從前見幾人萬劫桑弧真自奮
百年花甲又重新和羹欲試官家鼎朋友初分御榻春
擬挈群生躋壽域願言珍重不貲身

遭逢禮樂脩明日染翰朝朝侍

聖人東觀校讎名已舊南宮風議

寵逾新重回甲子無窮曆獨領乾坤不盡春弱歲早披

蒼隼翼白頭空愧長餘身

送南京府丞朱二峰之任

京華七載論交契萬王班中數最賢
衣袂不教塵染素筆峰時見力回天
秣陵風景當春日吳地征徭異昔年
南國正逢

龍輦下待移舟楫濟長川

龔雲岡母太孺人生旦

閩中十月百花開學士瀛洲首重回
慈訓早應聞四國瑞光今已燭三台
瑤池靜聽籌添屋仙掌榮分露滿盃
清世山河無阻隔白雲須向玉堂來

送許國忠令壽光

祥鸞莫歎棲荒棘曾見天池變化無孺子滄浪還自濯
莊生牛馬任人呼水鳴東岳賡絃誦山入熙臺列畫圖
花下板輿春正好五雲深處看飛鳬

詹事府履任與諸官寮會燕

次松臯太宰韻二首

畫堂西敞遠山蒼畫日仙寮幾脩觴會喜承華成羽翼
共看詒燕足賢良天依碧海龍圖裏人在清風鶴禁傍
禮至定應情味洽萬年文運卜亨昌

深院無風玉樹蒼冠袍楚楚薦瑤觴高懷夙與斯文契
清世誰如此會良陽德浸升青海上奎躔長倚少微傍

河隄晚映寒山碧卿月祥烟泰道昌

又答松臯

桂坊清切禁烟蒼太宰華篇照羽觴盛際百年興禮樂
秀鍾千載屬元良公今作雨施天下我亦乘風集
帝傍勝會不須辭漏永况看蓮炬曜文昌

又答渭涯

三載重逢感艾蒼上方俱醉紫霞觴夏書出洛先占啓
漢綺回朝不爲良幻海妙通三島勝瑞虹光注五雲傍
陳圖省識答禽意惟願同寅翊世昌

又答儼山

同朝三紀髮俱蒼歷盡風波此會觴天闕正歌

元首起

儲官先辦朕肱良金蓮影動雲霄上玉牒光分雨露傍
禹啓門庭臯傅侶協恭長擬贊榮昌

又答介溪

座中耆宿未顏蒼萬斛勳猷始監觴夜玉有輝橫帶重
秋金無價許身良仙班特叙青宮首

御墨時傳紫禁傍少小同袍今老大願依明德贊明昌

又疊前韻

長河含凍玉苑蒼河上風烟正可觴四座總看三秀肇

萬邦齊慶

一人良天廻游氣黃鍾裏雲弄晴輝翠幄傍商實便知
純祐命

睿圖今卜世隆昌

送沈鳳峯出守四明

竹符分向鳳樓前奎壁移躔赤水邊吳地得春霞覆錦
路河消雪鏡涵船雲霓滿慰蒼生望薇笋聊娛白髮年
滄海不波庭院蕭愜車行處足詩篇

送約甫弟東歸

惜別春風淚不禁共誰燈火北堂深片雲江介回瞻地

危酒天涯喜懼心垂老看人紆白玉臨岐贈汝乏黃金
還家爲語諸兄弟宮闕高秋聽好音

送陸甥宗仲歸鄞

鳳池三載敘良緣細柳新鶯又別筵夜月清尊看玉潤
碧山幽館下金蓮圖書擬副青雲志甘旨行娛白髮年
老我欲歸猶未得天涯分手一潸然

壽陸親母七旬生旦

五雲深處蓬萊島華髮尊前玉樹暉精健已看人世少
遐齡况復古來稀庭虛鳥哢傳歌席簾捲花枝映舞衣
我亦有親京苑住日迎仙母過萱闈

送胡桐涯別駕之四明

潞水風輕片片舟，無人不道送賢侯。
綠雲千樹鴈迷堞，黃鳥一聲春滿樓。
芳墅晝看吳會錦，麥郊涼動越山秋。
鳳凰樓處梧陰合，今日明州是樂州。

送趙易厓貳守之四明

烟花二月下青徐，五兩春風縱所如。
棣萼輝聯新督府，椿庭聲接舊尚書。
天南獨跨揚州鶴，海上聊食石首魚。
老稚四明歡正劇，放牛西牧候巾車。

送張德輿上舍齋 詔吳中便道省母

少海輝呈萬國祥，鳳書高捧出長楊。
共瞻極北雲龍

意直下天南烟水鄉梅意臘容分綺席萱堂春色動霞
觴知君慣識天孫錦歸向壁雍看七襄

張文定公四友亭集卷之十一